

Uamuzi

 Ursula Nafula

 Vusi Malindi

 Ursula Nafula

 Kiswahili

 Level 2

(imageless edition)





Kijiji changu kilikuwa na matatizo mengi. Tulipanga foleni ndefu tukisubiri kuchota maji kutoka mfereji mmoja.




Tulisubiri kupokea msaada wa chakula.




Tulifunga nyumba zetu mapema
kwasababu ya wizi.




Watoto wengi waliacha shule.



Wasichana wadogo walifanya kazi
kama watumishi kwenye vijiji
vingine.




Wavulana wadogo waliranda randa
kijijini na wengine walifanya kazi
kwenye mashamba ya watu.




Upepo ulipovuma, ulipeperusha
karatasi chafu na kuzifikisha mitini
na uani.



Watu walikatwa na vipande vya
chupa vilivyotupwa ovyo ovyo.




Halafu siku moja, mfereji wa maji ulikauka na mitungi yetu ikawa kawa tupu.




Baba yangu alitembea kutoka
nyumba hadi nyumba akiwaomba
watu kuhudhuria mkutano wa kijiji.




Watu walikusanyika chini ya mti
mkubwa na kusikiliza.




Baba yangu alisimama na kusema,
“Tunahitaji kusaidiana kutatua
matatizo yetu.”




Juma, mtoto wa miaka minane aliyekuwa amekaa kwenye tawi la mti, alisema kwa sauti, “Naweza kusaidia na usafi.”



Mwanamke mmoja alisema, “Sisi wanawake tunaweza kuungana na kuotesha chakula.”



Mwanamume mwingine alisimama
na kusema, “Wanaume
watachimba kisima cha maji.”



Sote tulisema kwa sauti moja,
“Lazima tubadilishe maisha yetu.”
Tangu siku hiyo, tulifanya kazi
pamoja kutatua shida zetu.



Storybooks Canada

storybookscanada.ca

Uamuzi

Written by: Ursula Nafula

Illustrated by: Vusi Malindi

Translated by: Ursula Nafula

This story originates from the African Storybook (africanstorybook.org) and is brought to you by Storybooks Canada in an effort to provide children's stories in Canada's many languages.



This work is licensed under a Creative Commons
[Attribution 4.0 International License](https://creativecommons.org/licenses/by/4.0/).